

優波夷墮舍迦經

失譯今附宋錄一

聞如是一時佛在舍衛國止城東出有女人子字蕪耶樓人呼爲蕪耶樓母佛在蕪耶樓母家殿上坐有一女人奉持教戒字墮舍迦以月十五日朝起沐浴有七子婦皆使沐浴著好衣日未中因飯飯已澡手將七子婦至佛所前爲佛作禮佛言就座皆却就座佛問優婆夷墮舍迦今日何等沐浴著好衣與子婦俱至佛所墮舍迦言今日十五日我齋戒我聞一月當六齋我與子婦俱共齋不敢懈慢佛告墮舍迦佛正齋法有八戒使人得度出道不復墮三惡處所生常有福祐亦從八戒本因緣致成佛

若四

何等爲佛正齋法是間有賢善人持戒一月六日齋月八日一齋十四日一齋十五日一齋二十三日一齋二十九日一齋三十日一齋齋日朝起告家中言今日我身齋家中今一日且莫飲酒莫鬪諍莫道說錢財家中事意所念口所說當如阿羅漢阿羅漢無殺意齋日持戒亦當如阿羅漢無殺意無捶擊意念畜生及蟲蛾使常生如阿羅漢意是爲一戒今日與夜持殺意使不得殺持意如是爲佛一戒

佛言齋日持意當如阿羅漢無貪心無所貪慕於出間無貪不棄之意齋日如是持意如阿羅漢富有者當念作布施貧無有者常當念施是爲二戒

佛言齋日持意當如阿羅漢阿羅漢不畜婦亦不念婦亦不貪女人亦無姪意齋日如是持意如阿羅漢是爲三戒

佛言齋日持意當如阿羅漢不妄語語不傷

人意語即說佛經不語者但念諸善齋日如

是持意如何羅漢是爲四戒

佛言齋日持意當如阿羅漢阿羅漢不飲酒  
不念酒不思酒用酒爲惡齋日如是持意如  
阿羅漢是爲五戒

廿四

十三

歌舞聞亦不喜音樂聲亦不在香華氣齋日

如是持意如阿羅漢是爲六戒

佛言齋日持意當如阿羅漢阿羅漢不於高

好牀卧意亦不念高好牀上卧齋日如是持

意如阿羅漢是爲七戒

佛言齋日持意當如阿羅漢阿羅漢日中乃

食日中已後至明不得復食得飲蜜漿齋日

如是持意如阿羅漢是爲八戒

佛告優波夷墮舍迦是間有人頭髮有垢自

沐其頭沐已其人便喜言我頭垢已去有人  
持入戒一日一夜者明日即喜者便念佛  
佛經戒迺如是其有人心中有惡意即去善

意即還

佛言有人身體饒垢入水中治身垢皆去出  
水即喜言我垢去身輕其有人齋戒一日一  
夜明日即喜念佛正語自念當何時得道使  
我心不復動不復走使我心一志無爲之道  
佛言有人衣多垢以得灰浣之垢去其人即

喜其有人齋戒一日一夜明日即喜便念比  
丘僧言比丘僧中有須陀洹斯陀含阿那含  
阿羅漢念比丘僧如是

佛言如人有鏡鏡有垢磨去其垢鏡即明其  
有人齋戒一日一夜有慈心於天下心開如  
明如鏡者不當有瞋怒意其有人一日一夜

齋戒閼哀天下淨心自恩自端其意自恩念  
身中懶露如是如是者不當復瞋怒

佛告優波夷墮舍迦持入戒齋一日一夜不  
失者勝持金銀珠璣施與比丘僧也天下有  
十六大國一者名鴟迦二者名摩竭三者名  
迦夷四者名拘薩羅五者名鳩溜六者名般

闍茶七者名阿波耶八者名阿洹提渝九者名脂提渝十者名越祇渝十一者名遨摩十二者名遨賴吒十三者名越蹉十四者名末羅十五者名渝匿十六者名劍善提是十六大國中珍寶物施與比丘僧不如齋戒一日一夜也齋戒使人得度世道以財寶施與不

若四

能使人得道今我得佛道本從是八戒起

佛告墮舍迦天下人多憂家事我用是故使一月六齋持八戒若有賢善人欲急得阿羅漢道者若欲疾得佛道若欲生天土者能自端其心一其意者一月十五日齋亦善二十日齋亦善人多憂家事故與一月六齋六日

齋者譬如海水不可斛量其有齋戒一日一夜者其福不可計佛告墮舍迦且將子婦歸誦念是正齋法八戒也優婆夷墮舍迦前爲佛作禮而去

優波夷墮舍迦經

若四